

2018/19

Ymgynghoriad ar Bolisi Derbyn i Ysgolion



Jones, Matt
Cyngor Sir Fynwy
Tachwedd 2016

Cynnwys

	Tudalen
1. Cyflwyniad	3
1.1 Crynodeb o newidiadau arfaethedig	3
1.2 Y Broses Ymgynghori	3
1.3 Niferoedd derbyn	4
2. Darpariaeth Addysg yn Sir Fynwy	5
2.1 Addysg Feithrin	5
2.2 Derbyn i Ysgol Gynradd	5
2.3 Addysg Gynradd Arbennig	6
2.4 Addysg Uwchradd	6
2.5 Addysg Uwchrdd Arbennig	6
2.6 Addysg Uwchradd Cyfrwng Cymraegon	6
3. Y broses Cylch Derbyn yn Sir Fynwy	7
3.1 Mynegi Dewis	7
3.2 Amserlen y Cylch Derbyn	7
3.3 Dosbarthu Ffurflenni Cais	8
3.4 Dilysu Cyfeiriadau Cartref	8
3.5 Rheni sydd wrthi'n symud tŷ	8
3.6 Newid annisgwyl mewn cyfeiriad cartref	9
3.7 Rhannu preswyliaeth	9
3.8 Dalgylchoedd ysgol	9
3.9 Ceisiadau ar sail anghenion meddygol	10
3.10 Siblingiaid	10
3.11 Derbyn plant genedigaeth luosog	10
3.12 Pellter rhwng y cartref a'r ysgol	10
3.13 Plant sy'n derbyn gofal	11
3.14 Plant personél Lluoedd Arfog a Gweision y Goron	12
3.15 Plant Sipsi, Roma a Theithwyr	12
4. Mynediad wedi'i ohirio i ysgol gynradd	13
5. Genedigaethau yn nhymor yr haf	13
6. Dyrannu lleoedd ysgol - Ysgolion Cymunedol, Cynradd ac Uwchradd	14
6.1 Meini prawf pan fo mwy o geisiadau nag o leoedd ar gael	14
7. Trefniadau ar gyfer ceisiadau hwyr	15
8. Hysbysu rhieni	16
9. Derbyn lle ysgol	16
10. Derbyn i grwpiau blwyddyn arall - Medi 2018	16
11. Trosglwyddo o fewn blwyddyn	17
12. Cais am dderbyn tu allan i grŵp blwyddyn cronolegol	18
13. Gwrthod derbyn	18
14. Rhestri aros	19
15. Apeliadau	19

15.1	Amserlen ar gyfer clywed apleiadau	20
16.	Rheoliadau maint Dosbarth Babanod	21
16.1	Eithriadau i'r rheoliadau maint dosbarth babanod	21
17.	Terfyn maint dosbarth Cyfnod Allweddol 2	22
18.	Atodiad A - Cynllun Derbyn Cydlynol ar gyfer Medi 2018 Ysgolion Cynradd	23
19.	Atodiad B - Cynllun Derbyn Cydlynol ar gyfer Medi 2018 Ysgolion Uwchradd	26
20.	Atodiad C - Awdurdodau Derbyn	29
21.	Atodiad D - Rhifau Derbyn Ysgolion	30

Ymgynghoriad

1. Cyflwyniad

Mae'r Cod Derbyn i Ysgolion (2013) yn rhoi hawl i rieni fynegi dewis i'w plentyn gael ei dderbyn i unrhyw ysgol a gynhelir gyda chyllid cyhoeddus. Mae polisi derbyn yr Awdurdod yn cydymffurfio â'r Cod Ymarfer Derbyn i Ysgolion a Chod Ymarfer Apeliadau Derbyn i Ysgolion Gorffennaf 2013.

Mae'r polisi yn ei le i ddarparu ar gyfer y dilynol:

i) Ceisiadau Cylch Derbyn

- Y broses gais i'w dilyn ar gyfer plant sy'n gymwys i gychwyn mewn ysgol gynradd
- Y broses gais i'w dilyn ar gyfer plant sy'n gymwys i drosglwyddo o ysgol gynradd i ysgol uwchradd

ii) Trosglwyddiadau o fewn y flwyddyn rhwng ysgolion

Y broses gais i'w dilyn gan blant sydd eisoes o oedran ysgol, ond sy'n dymuno trosglwyddo o un ysgol i un arall.

1.1 Crynodeb o newidiadau arfaethedig

Mae'n ofynnol i'r Awdurdod Lleol ymgynghori yn flynyddol ar ei drefniadau derbyn. Cynigir gweithredu cynnwys y polisi yma a'r newidiadau ar gyfer blwyddyn academaidd 2018/19, ac nid ydynt yn cynnig unrhyw newid sylweddol i bolisi presennol.

I roi sylwadau ar yr ymgynghoriad hwn ysgrifennwch at Matthew Jones, Rheolwr Uned Derbyn, Blwch SP 106, Cil-y-coed, NP26 9AN neu e-bost matthewdjones@monmouthshire.gov.uk.

Dylid anfon sylwadau erbyn **12 canol-dydd ddydd Mercher 1 Mawrth 2017 fan bellaf**.

1.2 Y Broses Ymgynghori

Yn unol â Chod Ymarfer y Cod Derbyn i Ysgolion (2013) mae'r Awdurdod Lleol yn ymgynghori'n flynyddol ar ei drefniadau derbyn, gan geisio lle'n bosibl i adlewyrchu amserlenni cylch derbyn awdurdodau derbyn cyfagos.

Bydd y trefniadau derbyn cydlynol yn penderfynu ar ba ddyddiad yr anfonir ffurflenni cais at rieni yn ogystal â chyhoeddi dyddiad cau a gytunwyd. Bydd yr Awdurdod yn sicrhau nad yw'r amserlen yma rhwng dosbarthu a'r dyddiad cau yn ddim llai na chwe wythnos.

Cynhelir yr ymgynghoriad rhwng 1 Medi a 1 Mawrth yn dechrau ddwy flynedd cyn y flwyddyn ysgol pan ddaw'r trefniadau i rym. Caiff y trefniadau wedyn eu cadarnhau erbyn 15 Ebrill a'u cyhoeddi o fewn 14 dyddiad o'r diwrnod hwn.

Bydd yr Awdurdod Lleol yn sicrhau y rhoddir yr wybodaeth ddilynol yn ystod y broses ymgynghori:

- i) Nifer derbyn ar gyfer pob ysgol
- ii) Gweithdrefnau cais a'r amserlen ar gyfer y broses dderbyn
- iii) Y meini prawf i'w defnyddio os oes mwy o geisiadau nag o leoedd ar gyfer ysgol
- iv) Trefniadau ar gyfer rhestri aros a sut y gweithredant
- v) Trefniadau ar gyfer prosesu ceisiadau hwyr
- vi) Manylion sut yr hysbysir rhieni am benderfyniad ar eu cais, yn ogystal â gweithdrefnau apêl os bydd eu cais yn aflwyddiannus.

Bydd yr Awdurdod Lleol yn ymgynghori gyda'r partïon dilynol ar ei drefniadau ar gyfer derbyn:

Corff llywodraethu ysgolion perthnasol	Holl gyrff llywodraethu ysgolion cymunedol yn Sir Fynwy
Pob Awdurdod Lleol cyfagos yn yr ardal	Cyngor Bwrdeistref Torfaen Cyngor Dinas Casnewydd Cyngor Sir Powys Cyngor Bwrdeistref Blaenau Gwent Cyngor Swydd Caerloyw Cyngor Swydd Henffordd
Awdurdodau derbyn pob ysgol arall yn yr ardal	Holl gyrff llywodraethu ysgolion cymorth gwirfoddol yn Sir Fynwy Ysgol Sylfaen Brynmawr Ysgol Gatholig Alban Sant Ysgol Gatholig Sant Joseff
Yn achos ysgolion gyda chymeriad crefyddol, y cyrff neu berson sy'n cynrychioli'r grefydd neu enwad crefyddol dan sylw	Cyfarwyddwr Esgobaethol, yr Eglwys yng Nghymru Cyfarwyddwr Esgobaethol, yr Eglwys Gatholig

1.3 Niferoedd Derbyn

Cyn yr ymgynghoriad yma, caiff y niferoedd derbyn ar gyfer pob ysgol eu penderfynu ac maent yn ffurfio rhan o'r ymgynghoriad yma. Mae'r niferoedd derbyn ar gyfer yr ysgolion yn deillio o gapasiti ffisegol yr ysgol a gaiff ei gyfrif yn unol â dogfen Llywodraeth Cymru 'Mesur Capasiti Ysgolion yng Nghymru'.

2. Darpariaeth Addysg yn Sir Fynwy

Mae'r Awdurdod Lleol yn falch i gynnig y ddarpariaeth addysgol ddilynol o fewn ei Sir:

2.1 Addysg Feithrin

Mae gan yr Awdurdod Lleol 11 uned feithrin yn gysylltiedig ag ysgolion prif ffrwd. Mae'r Awdurdod yn cynnal y meithrinfeydd hyn sy'n darparu addysg blynyddoedd cynnar ran-amser am ddim ar gyfer disgyblion o'r tymor yn dilyn eu pen-blwydd yn dair oed. Os oes lleoedd ar gael, mae Sir Fynwy hefyd yn cefnogi llawer o gylchoedd meithrin, meithrinfeydd dydd preifat, ysgolion cyn paratoi, grwpiau chwarae a créches. Mae'r gosodiadau hyn yn ddarparwyr cymeradwy ar gyfer addysg blynyddoedd cynnar.

2.2 Derbyn i Ysgol Gynradd (4-11)

Mae'r Awdurdod Lleol yn cynnig nifer o sefydliadau addysgol ar lefel Gynradd:

Cynradd Cymunedol (Saesneg) - 20
Cynradd Cymunedol (Cymraeg) - 2
Cynradd Eglwys yng Nghymru RhW - 2
Cynradd Eglwys yng Nghymru CG - 3
Cynradd Catholig CG - 2

Yr Awdurdod Lleol hefyd yw'r awdurdod sy'n derbyn ar gyfer pob ysgol gynradd gymunedol (Saesneg a Chymraeg) ac ysgolion rheolaeth wirfoddol o fewn Sir Fynwy, ac yn gyfrifol am y trefniadau derbyn ym mhob un o'r ysgolion hyn.

Mae cyrff llywodraethu'r 5 Ysgol Cymorth Gwirfoddol yn Sir Fynwy yn gyfrifol am yr holl drefniadau derbyn o fewn eu hysgolion.

Bydd yr Awdurdod yn derbyn plentyn i ysgol gynradd/babanod a gynhelir ar ddechrau'r flwyddyn academaidd pan fydd yn cyrraedd 5 oed. Mae'r gofynion cyfreithiol yn cadarnhau y gall rhieni ohirio derbyn eu plant tan y tymor yn dilyn eu pen-blwydd yn 5 oed; fodd bynnag, polisi'r Awdurdod Lleol yw y bydd y plant yn parhau i ddilyn eu grŵp blwyddyn cronolegol os nad oes amgylchiadau eithriadol.

Wrth ystyried derbyn i'r grŵp blwyddyn Derbyn fel rhan o'r cylch derbyn, dylai rhieni fod yn ymwybodol nad yw mynychu darpariaeth feithrin o fewn y dewis ysgol yn golygu nad oes angen i rieni wneud cais am le yn y dosbarth Derbyn. Ni all yr Awdurdod Lleol warantu y gellir cynnig lle i bob plentyn mewn meithrinfa yn y Dosbarth Derbyn.

2.3 Addysg Gynradd Arbennig

Mae gan Ysgol Gynradd Overmonnow (Trefynwy), Ysgol Gynradd Pembroke (Casgwent) ac Ysgol Gynradd Deri View (Y Fenni) unedau anghenion addysgol ychwanegol i ddarparu ar gyfer y plant hynny na all eu hanghenion gael eu cyflawni mewn addysg brif ffrwd.

Caiff derbyn i'r gosodiadau hyn ei benderfynu drwy Ddatganiad Anghenion Addysgol y plentyn.

2.4 Addysg Uwchradd (11-19 oed)

Mae pob ysgol uwchradd brif ffrwd yn Sir Fynwy yn ysgolion cyfun cymysg ac yn gwasanaethu myfyrwyr 11-19 oed. Maent wedi eu lleoli'n agos at y pedair prif dref yn Sir Fynwy.

Nid yw mynychu ysgol gynradd neu iau yn gwarantu y bydd lle ar gael ar gyfer eich plentyn yn yr ysgol gyfun bwydo. Er y gwneir pob ymdrech i ddarparu ar gyfer dewis rhieni, gweithredir y meini prawf pan fo mwy o ymgeiswyr nag o leoedd ar gael.

2.5 Addysg Uwchradd Arbennig

Mae Ysgol Arbennig Tŷ Mounton yng Nghas-gwent ac mae'n darparu ar gyfer bechgyn 11-16 oed sydd ag anghenion dysgu ychwanegol ac ymddygiad. Mae gan Ysgol Gyfun Cil-y-coed uned anghenion addysgol ychwanegol i ddarparu ar gyfer y plant hynny na all eu hanghenion gael eu cyflawni mewn addysg brif ffrwd.

Caiff derbyn i'r gosodiadau hyn ei benderfynu drwy Ddatganiad Anghenion Addysgol Arbennig y plentyn.

2.6 Addysg Uwchradd Cyfrwng Cymraeg

Mae Sir Fynwy wedi datblygu cysylltiadau agos gydag awdurdodau cyfagos, yn neilltuoel Gyngor Sir Torfaen gydag Ysgol Gyfun Gwynllyw a Chyngor Dinas Casnewydd gydag Ysgol Gyfun Gwent Iscoed, i sicrhau fod addysg cyfrwng Cymraeg ar gael ar lefel uwchradd i blant o fewn ein Sir.

3. Y broses Cylch Derbyn yn Sir Fynwy

3.1 Mynegi dewis

Yn unol â'r cod ymarfer Derbyn i Ysgolion (2013), mae'n rhaid i rieni lenwi ffurflen gais er mwyn cael lle ysgol. Caiff rhieni gyfle i lenwi cais ar-lein neu fel arall drwy gais papur.

Gwahoddir pob rhiant i fynegi dewis ar ffurflen gais gyffredin, beth bynnag yw statws yr ysgolion y dymunant wneud cais amdanynt a ph'un ai yw'r sir tu mewn/tu allan i'r sir. Bydd y ffurflen yn rhoi cyfle i rieni roi rhesymau am eu dewis. Dylid dychwelyd pob ffurflen a lenwir yn uniongyrchol i'r Uned Ysgolion a Derbyn Myfyrwyr. **Eithriad i hyn yw os yw rhieni'n dymuno gwneud cais am ysgol o fewn ardal Cyngor Dinas Casnewydd - yn yr amgylchiadau hynny dylai'r rhiant wneud cais yn uniongyrchol i Gyngor Dinas Casnewydd dan eu trefniadau derbyn.**

Er y gall awdurdodau derbyn ysgolion unigol (Cymorth Gwirfoddol) ei gwneud yn ofynnol i chi lenwi eu ffurflenni cais eu hunain, mae'n rhaid i bob ymgeisydd hefyd lenwi "Ffurflen Gais Gyffredin".

Mae'r Awdurdod Lleol yn gweithredu cynllun dewis cyfartal, sy'n golygu y caiff pob dewis eu hystyried yn gyfartal yn unol â meini prawf yr Awdurdod Lleol ar gyfer pan fo mwy o geisiadau nag o leoedd ar gael, ac nid ar sail y drefn y cânt eu rhestru ar y cais. Os gellir diwallu mwy na un dewis, cynigir y dewis uchaf a nodir ar y ffurflen gais.

3.2 Amserlen y cylch derbyn

Bydd yr Awdurdod Lleol yn ymgynghori ac yn cytuno ar amserlen ar gyfer y Cylch Derbyn ar sail flynyddol. Bydd hyn yn amlinellu ar ba ddyddiad y bydd ffurflenni cais ar gael i rieni, dyddiad cau ceisiadau, yn ogystal â'r dyddiad yr hysbysir rhieni am benderfyniad ar eu cais.

Y dyddiadau a gytunwyd ar gyfer cylch derbyn 2018/19 fydd:

Cyfnod Derbyn	Pecynnau cais ar gael i rieni	Dyddiad Cau	Cyfnod Dyrannu yr Awdurdod Lleol	Hysbysu rhieni erbyn
Cynradd i Uwchradd	2 Hydref 2017	30 Tachwedd 2017 am 12pm	01.12.17 - 28.02.18	1 Mawrth 2018
Derbyn	1 Tachwedd 2017	12 Ionawr 2018 am 12pm	14.01.18 - 15.04.18	16 Ebrill 2018

3.3 Dosbarthu ffurflenni cais

Bydd yr Awdurdod Lleol yn dosbarthu pecynnau cais yn uniongyrchol i gyfeiriadau cartref ar y dyddiadau a gyhoeddir uchod. Caiff rhieni/gofalwyr gyfle ddewis gwneud cais ar-lein neu lenwi ffurflen bapur. Caiff manylion sut i wneud cais ar-lein eu cynnwys yn y pecyn cais a gaiff ei gylchredeg i rieni.

Er bod yr Awdurdod yn ymdrechu i gasglu manylion y rhieni/gofalwyr hynny sydd â phlant sy'n gymwys i gael eu derbyn i'r ysgol, mae'n parhau'n gyfrifoldeb y rhiant/gofalwr i gael pecyn cais i wneud cais am le ysgol o fewn yr amserlenni gofynnol.

3.4 Dilysu Cyfeiriadau Cartref

Mae'n rhaid i rieni/gofalwyr gyflwyno eu cais yn defnyddio cyfeiriad cartref parhaol eu plentyn. Mae angen i rieni/gofalwyr roi eu cyfeirnod Treth Gyngor ar ffurflen gais derbyn eu plant. Bydd yr Awdurdod Lleol yn defnyddio'r wybodaeth yma i ddilysu bod y cyfeiriad a roddir ar y ffurflen cais yr un â'r wybodaeth a gedwir ar gronfa ddata Treth Gyngor yr Awdurdod Lleol.

Os nad yw'r wybodaeth a roddir gan y rhiant yr un fath â'r wybodaeth ar gronfa ddata y dreth gyngor, cynhelir gwiriad pellach yn defnyddio'r gofrestr etholiadol. Bydd yr Awdurdod Lleol yn cysylltu â'r rhiant os nad yw hyn yn dilysu'r cyfeiriad.

Caiff unrhyw benderfyniad ar gynnig lle ysgol ei seilio ar i'r ymgeisydd fod yn breswyl yn y cyfeiriad a nodir ar y ffurflen gais, fel ar y dyddiad cynnig a gyhoeddwyd. Gellid dileu unrhyw gynnig o le ysgol os canfyddir fod y rhiant/gofalwr wedi symud o'r cyfeiriad a nodir ar y ffurflen gais heb hysbysu'r Awdurdod Lleol, os cynigiwyd lle ar sail cyfeiriad cartref.

3.5 Rhieni sydd wrthi'n symud tŷ

Bydd yn ofynnol i rieni/gofalwyr sydd yn y broses o symud tŷ hysbysu'r Awdurdod Lleol **adeg gwneud cais** am y symud arfaethedig a chyflwyno tystiolaeth i ddilysu eu cyfeiriad newydd, er mwyn i'r cyfeiriad yma gael ei ystyried. Tystiolaeth addas fyddai copi o gyfnewid contractau (ar gyfer prynu) neu gytundeb tenantiaeth hirdymor (ar gyfer trefniadau rhentu). Rhaid cyflwyno'r cais a hysbysiad am fwriad i newid cyfeiriad cyn y dyddiad cau a gyhoeddir er mwyn cael eu hystyried fel cais mewn pryd. Bydd methiant i hysbysu'r Awdurdod Lleol am fwriad i symud i gyfeiriad newydd cyn y dyddiad cau a gyhoeddwyd yn arwain at i'r cais gael ei gyfrif fel "cais hwyr" os yw'r newid hwn yn effeithio ar eu sefyllfa o fewn y meini prawf pan fo mwy o geisiadau nag o leoedd ar gael.

Bydd angen i rieni/gofalwyr sydd wrthi'n symud ond na all ddilysu'r symud cyn y dyddiad cau sicrhau y cyflwynir eu cais ei gyflwyno cyn y dyddiad cau a gyhoeddwyd, a bod y cais yn rhoi gwybodaeth ar y bwriad i symud. Bydd yr Awdurdod Lleol yn cysylltu gyda rhieni/gofalwyr am y symud arfaethedig er mwyn cael cadarnhad y cafodd preswyliaeth

yn yr eiddo newydd ei sicrhau. Fodd bynnag, bydd angen i rieni roi tystiolaeth i'r Awdurdod Lleol sy'n sicrhau eu newid cyfeiriad ddim mwy na 6 wythnos cyn y dyddiad cynnig a gyhoeddwyd er mwyn i'r cyfeiriad newydd gael ei ystyried ar gyfer dibenion dyrannu.

Lle mae'r Awdurdod Lleol yn derbyn tystiolaeth i ddilysu symud tŷ ac yn defnyddio'r cyfeiriad newydd ar gyfer dibenion dyrannu, caiff y cynnig o le ysgol ei seilio ar i'r ymgeisydd a'r plentyn fod yn breswyl yn y cyfeiriad yma adeg mynediad y plentyn i'r ysgol. Gallai unrhyw gynnydd o le ysgol gael ei ddileu os canfyddir nad yw'r ymgeisydd yn breswyl yn y cyfeiriad adeg mynediad y plant i'r ysgol.

Gallai unrhyw gynnydd o le ysgol gael ei ddiddymu fel canlyniad i ddiffyg cydymffurfiaeth gyda'r uchod.

3.6 Newid annisgwyl mewn cyfeiriad cartref

Pe byddai rhiant, sydd wedi cyflwyno cais cyn y dyddiad cau a gyhoeddwyd, yn ein hysbysu am newid annisgwyl mewn cyfeiriad a ddigwyddodd ers cyflwyno eu cais, bydd yr Awdurdod Lleol yn ystyried ar sail ddisgresiwn amgylchiadau'r newid annisgwyl mewn cyfeiriad cyn penderfynu'r cais fel bod yn un hwyr. Yn anffodus, dim ond os rhoddir hysbysiad a thystiolaeth o'r newid cyfeiriad ddim mwy na 6 wythnos cyn y dyddiad cynnig a gyhoeddwyd er mwyn i'r cyfeiriad newydd gael ei ystyried ar gyfer dibenion dyrannu y gellir gweithredu disgresiwn.

Cyfrifoldeb rhiant yw hysbysu'r Awdurdod Lleol am newid cyfeiriad sy'n digwydd yn ystod y broses gais. Gallai methiant i wneud hynny arwain at ddiddymu unrhyw gynnydd o le ysgol.

3.7 Rhannu preswyliaeth

Os yw preswyliaeth plentyn yn cael ei rannu rhwng dau riant, y cyfeiriad lle mae'r plentyn dan sylw yn preswyllo am fwyafrif yr wythnos ysgol a ddefnyddir ar gyfer dibenion dyrannu. Dyma'r cyfeiriad y dylid ei ddatgan ar y cais.

Fodd bynnag, os yw'r breswyliaeth gyda'r ddau riant yn ystod yr wythnos ysgol yn gyfartal, y cyfeiriad ar gyfer lle y telir y budd-dal plant a ddefnyddir ar gyfer dibenion dyrannu.

3.8 Dalgylchoedd ysgol

Er fod preswyllo o fewn dalgylch ysgol yn ffurfio elfen o'r meini prawf ar gyfer lle mae mwy o alw nag o leoedd ar gael, nid yw'n gwarantu lleoliad ar y sail yma. Bydd yr Awdurdod Lleol yn gwrthod derbyn mwy na nifer derbyn yr ysgol os nad yw'r cais yn cydymffurfio gyda'r eithriadau a ganiateir a restrir ar dudalen 19.

Mae'r Awdurdod Lleol yn cynnig blaenoriaeth o fewn ei feini prawf pan fo mwy o geisiadau nag o leoedd i blant y mae eu cyfeiriad cartref o fewn dalgylch yr ysgol. Ystyrir mai cyfeiriad cartref y plentyn yw'r man lle mae'r plentyn yn byw am ran fwyaf yr wythnos ysgol. Mae gwybodaeth yn adran 3.4 am geisiadau lle mae trefniadau rhannu preswyliaeth.

Mae manylion dalgylchoedd ysgolion ar gael yn: www.monmouthshire.gov.uk

3.9 Ceisiadau ar sail anghenion meddygol

Mae'n rhaid i ymgeiswyr sy'n dymuno i'w cais gael blaenoriaeth ar sail anghenion meddygol eu plentyn roi tystiolaeth i gefnogi eu cais dan y maen prawf yma e.e. adroddiad ymgynghorydd meddygol (a geir gan y rhieni adeg gwneud cais).

Dim ond lle gellir dangos tystiolaeth mai'r ysgol a ffafrir yw'r unig opsiwn hyfyw o gymharu gyda'r ysgolion o gymharu gydag ysgolion eraill y gall yr Awdurdod eu cynnig y bydd yr Awdurdod Lleol yn cynnig flaenoriaeth i geisiadau dan y maen prawf hwn.

3.10 Siblingiaid

Caiff brodyr a chwiorydd, p'un ai'n hanner, lawn, llys neu faeth, eu hystyried yn siblingiaid perthnasol pan maent yn byw ar yr un aelwyd a lle byddant yn dal i fod wedi cofrestru yn yr ysgol pan fydd yr ymgeisydd yn gymwys i fynychu.

Dim ond yn y blynyddoedd Derbyn i flwyddyn 12 mae meini prawf siblingiaid yn berthnasol. Nid yw derbyn plentyn i ysgol yn gwarantu y bydd lle ar gael yn ddiweddarach ar gyfer plant eraill yn y teulu.

3.11 Derbyn plant genedigaeth luosog (e.e. gefeilliaid neu dripledi)

Os, wrth weithredu'r meini prawf pan fo mwy o geisiadau nag o leoedd ar gael ar gyfer blwyddyn arferol mynediad (Derbyn a Blwyddyn 7) a bod y plentyn olaf i gael ei dderbyn yn un o enedigaeth luosog yna bydd yr Awdurdod Lleol yn derbyn y sibling(iaid) eraill.

Lle derbynnir ceisiadau genedigaeth luosog ar gyfer grwpiau blwyddyn heblaw'r flwyddyn derbyn arferol, lle mai dim ond un lle sydd ar ôl yn y grŵp blwyddyn perthnasol cyn y cyrhaeddir y nifer derbyn, bydd yr Awdurdod Lleol yn ystyried pob achos yn unigol cyn penderfynu os eir yn uwch na'r nifer derbyn. Bydd angen rhoi ystyriaeth neilltuol i gapasiti yr ysgol a'r tebygolrwydd o achosi rhagfarn i addysg effeithlon a defnydd effeithol o adnoddau yn y dewis ysgol.

3.12 Pellter rhwng y cartref a'r ysgol

O fewn pob set o feini prawf a ddefnyddir pan fo mwy o geisiadau nag o leoedd ar gael, os yw nifer y ceisiadau yn unrhyw un categori yn fwy na'r nifer derbyn a gyhoeddwyd, seilir blaenoriaeth ar y rhai sy'n byw agosaf at yr ysgol a ffafrir.

Caiff y pellter rhwng cartref ac ysgol ei fesur fel y llwybr cerdded byrraf sydd ar gael, a benderfynir yn defnyddio llwybrau swyddogol sy'n hysbys i'r Awdurdod Lleol ac asiantaethau priffordd. Mae'r Awdurdod Lleol yn barnu fod llwybr 'ar gael' os gall plentyn, gyda chwmni fel sydd angen, gerdded i'r ysgol yn rhesymol ddiogel.

Wrth asesu ei argaeledd, bydd y cyngor yn dilyn y canllawiau a nodir yn Narpariaeth Statudol Teithio Dysgwyr a Chanllawiau Gweithredol Llywodraeth Cymru ym Mehefin 2014 a bydd yn edrych ar y risgiau a'r ffactorau diogelwch eraill perthnasol y gallai plentyn, gyda chwmni fel sydd angen, eu cael ar hyd y llwybr a nodwyd (yn cynnwys, er enghraifft, gamlesi, afonydd, ffosydd, goleadau stryd, palmentydd a chyflymder traffig ar hyd ffyrdd, ac yn y blaen).

Bydd yr Awdurdod Lleol yn cyfrif pellter y llwybr yn defnyddio ei feddalwedd Systemau Gwybodaeth Daearyddol (GIS) penodol ei hun, Routefinder a MapInfo Desktop Solutions. Er mwyn sicrhau tegwch a chysondeb ar gyfer pob ymgeisydd, dyma'r unig ddull mesur a ddefnyddir gan yr Awdurdod Lleol.

Caiff man cychwyn y llwybr a gaiff ei gyfrif ei benderfynu fel bod y pwynt rhwydwaith agosaf at brif fynedfa'r cyfeiriad cartref. Caiff prif fynedfa'r cyfeiriad cartref ei benderfynu gan yr Awdurdod Lleol fel lle mae'r eiddo'n derbyn post. Caiff pwynt gorffen y llwybr a gyfrifir ei benderfynu fel bod y glwyd agored swyddogol agosaf a ddefnyddir gan yr ysgol.

Caiff manylion cyfeiriad ymgeisydd eu penderfynu yn defnyddio cronfa ddata LLPG a Chyfeiriad Arolwg Ordnans.

Lle na all yr Awdurdod Lleol ddynodi llwybr cerdded diogel o'r cyfeiriad cartref i'r dewis ysgol, caiff y llwybr gyrru byrraf ei ddefnyddio i gyfrif pellteroedd cartref i ysgol.

Lle mae dau neu fwy o ymgeiswyr yn cael eu hystyried ar gyfer y lle olaf sydd ar gael, ac os yw eu cyfrifiadau pellter cartref i ysgol yn union yr un fath, defnyddir olwyn fechan i gynnal asesiad ychwanegol o'r pellter i brif fynedfa y cyfeiriad cartref.

Lle mae dau neu fwy o ymgeiswyr yn cael eu hystyried am y lle olaf sydd ar gael, a bod y cyfeiriadau o fewn yr un adeilad e.e. bloc o fflatiau, defnyddir olwyn fechan i gyfrif y pellter o ddrws blaen y cartref i brif fynedfa gymunol yr eiddo i fynediad agosaf pob fflat, lle'n bosibl.

3.13 Plant sy'n derbyn gofal

Caiff ceisiadau ar gyfer plant sy'n derbyn gofal (plant mewn gofal cyhoeddus) [fel y'u diffinnir gan Adran 22 Deddf Plant 1989] flaenoriaeth ar gyfer lleoliad ysgol. Gellir hefyd roi'r flaenoriaeth hon i blant a arferai dderbyn gofal er bod yn rhaid i'r person sy'n gwneud y cais roi tystiolaeth i gadarnhau'r statws gofal blaenorol, megis Tystysgrif Mabwysiadu.

Lle gwneir ceisiadau ar gyfer grwpiau blwyddyn heblaw blwyddyn arferol derbyn ar gyfer grŵp blwyddyn sydd eisoes wedi cyrraedd ei nifer derbyn, bydd yr Awdurdod Lleol angen tystiolaeth addas pam mai'r ysgol a ffafrir yw'r dewis mwyaf addas o ysgol o gymharu gydag ysgolion eraill sydd ar gael.

3.14 Plant personél Lluoedd Arfog a Gweision y Goron

Penderfynir fod plant personél gwasanaethau'r Deyrnas Unedig a Gweision y Goron eraill (yn cynnwys diplomatiad) sy'n symud i Sir Fynwy yn cyflawni'r meini prawf preswyl ar gyfer yr ysgol ddalgylch berthnasol os anfonir tystiolaeth swyddogol o bostiad gyda'u ffurflen gais yn nodi dyddiad dychwelyd pendant gyda chadarnhad o'r cyfeiriad newydd lle bynnag sy'n bosibl.

Lle mae'r ysgol ddalgylch berthnasol eisoes wedi cyrraedd ei nifer derbyn yn y grŵp blwyddyn berthnasol adeg gwneud cais, bydd yr Awdurdod Lleol yn mynd yn uwch na'r nifer derbyn.

3.15 Plant Sipsi, Roma a Theithwyr

Mae'n rheidrwydd ar y cyngor, drwy statud, i sicrhau fod pob plentyn o oedran ysgol gorfodol yn derbyn addysg briodol i'w hoedran, gallu ac unrhyw anghenion addysgol arbennig, ac yn hyrwyddo safonau uchel yn narpariaeth addysg a lles plant. Mae'r oblygiadau hyn yn weithredol i bob plentyn p'un ai ydynt yn breswylwyr parhaol yn yr ardal ai peidio. Felly caiff ceisiadau a wneir yng nghyswllt teuluoedd o'r fath eu trafod mewn ymgynghoriad gyda *Gwasanaeth Lleiafrifoedd-Ethnig Addysg Gwent* (GEMS) gyda golwg ar roi'r plant hyn mor gyflym ag sydd modd yn yr ysgol briodol agosaf sydd ar gael.

4. Mynediad wedi'i ohirio i ysgol gynradd

Bydd yr Awdurdod Lleol yn derbyn plentyn i ysgol gynradd/babanod a gynhelir ar ddechrau'r flwyddyn academaidd pan fydd yn troi'n 5 mlwydd oed. Fodd bynnag, mae'r gofynion cyfreithiol yn cadarnhau y gall rhieni oedi derbyn eu plentyn tan y tymor yn dilyn eu pen-blwydd yn 5 oed. Mae'n oblygiad ar yr Awdurdod Lleol i sicrhau y cedwir unrhyw gynnig o le ysgol ar gyfer rhieni sy'n dymuno i dderbyniad eu plant i'r dosbarth Derbyn gael ei ohirio tan yn nes ymlaen yn y flwyddyn academaidd.

Fodd bynnag, ni all rhiant ohirio mynediad tu hwnt i'r tymor yn dilyn pen-blwydd y plentyn yn bump oed, na thu hwnt i'r flwyddyn ysgol y gwnaed y cais ar ei gyfer.

5. Genedigaethau yn nhymor yr haf

Yn achos plentyn a anwyd yn ystod tymor yr haf, nid oes gofyniad cyfreithiol arnynt i fynychu'r ysgol tan y tymor yn dilyn eu pen-blwydd yn bump oed/y mis Medi ar ôl blwyddyn arferol mynediad i blentyn oedran dosbarth Derbyn. Fodd bynnag, mewn amgylchiadau o'r fath bydd yr Awdurdod Lleol yn parhau i sicrhau fod plant yn dal i ddilyn eu grŵp blwyddyn cronolegol ac felly byddai'r plentyn yn cael ei dderbyn i flwyddyn 1 ac nid y dosbarth Derbyn.

Dim ond mewn amgylchiadau eithriadol y bydd yr Awdurdod Lleol yn awdurdodi derbyn genedigaeth tymor yr haf i grŵp blwyddyn sydd tu allan i flwyddyn arferol mynediad. Mewn amgylchiadau o'r fath, bydd angen sylfaen tystiolaeth addas (e.e. adroddiad gan seicolegydd addysg) sy'n awgrymu na all y grŵp blwyddyn cronolegol ddiwallu anghenion y plentyn dan sylw mewn modd addas.

6. Dyrannu lleoedd ysgol - Ysgolion Cymunedol, Cynradd ac Uwchradd

Pan fo nifer y ceisiadau a dderbynnir ar gyfer dewis ysgol yn llai neu'n gyfartal â'r nifer o leoedd sydd ar gael, caiff pob plentyn ei dderbyn a thybio y gall yr ysgol dan sylw ddiwallu anghenion pob ymgeisydd.

Fodd bynnag, pan fo mwy o geisiadau nag o leoedd yn yr ysgol, eir yn uwch na'r nifer derbyn a gweithredir y meini prawf ar gyfer pan fo mwy o geisiadau nag o leoedd ar gael i ddewis pa blant gaiff gynnig lleoedd yn yr ysgol dan sylw. Ar gyfer plant gyda Datganiad o Anghenion Addysgol Arbennig, mae'n rhaid i'r Awdurdod dderbyn y plentyn dan sylw i'r ysgol a nodir ar eu datganiad.

Wrth weithredu'r meini prawf ar gyfer pan fo mwy o geisiadau nag o leoedd ar gael i benderfynu i bwy y dyfernir lle, caiff holl ddewisiadau'r rhiant eu hystyried yn gyfartal a'u dyrannu yn unol â'r meini prawf islaw. Cynigir yr ysgol dewis uchaf, fel y'i rhestrir ar y ffurflen gais, os gellir diwallu mwy nag un dewis.

6.1 Meini prawf pan fo mwy o geisiadau nag o leoedd ar gael

Wrth ystyried gweddill y lleoedd sydd ar gael, defnyddir y meini prawf dilynol i benderfynu i ba blant y cynigir lleoedd:

1. Rhoddir blaenoriaeth i blant sy'n derbyn gofal, neu blant sydd wedi derbyn gofal yn flaenorol h.y. plant sydd yng ngofal neu a fu'n flaenorol yng ngofal yr Awdurdod Lleol, dros y rhai sy'n cyflawni pwyntiau 2-5 islaw (**gweler adran 3.13**).
2. Rhoddir blaenoriaeth i blant gydag amgylchiadau meddygol eithriadol dros y rhai sy'n cyflawni pwyntiau 3-5 islaw (**gweler adran 3.9**).
3. Rhoddir blaenoriaeth i blant gyda siblingiaid perthnasol yn y ddewis ysgol dros bwyntiau 4-6 islaw (**gweler adran 3.10 ar gyfer manylion ar siblingiaid perthnasol**).
4. Rhoddir blaenoriaeth i blant sy'n byw o fewn dalgylch eu dewis ysgol (**gweler adran 3.8**) dros bwynt 5-6 islaw.
5. Plant sy'n byw tu allan i'r dalgylch.
6. Os, ar ôl gweithredu'r categorïau uchod, neu os yw ysgol yn parhau i fod â mwy o geisiadau nag o leoedd ar gael yn unrhyw un o'r categorïau uchod, caiff blaenoriaeth ei seilio ar agosatrwydd at y dewis ysgol, a fesurir yn defnyddio'r llwybr cerdded diogel byrraf. (**Gweler adran 3.12 islaw**)

I egluro, y cam terfynol yn y meini prawf fydd penderfyniad terfynol dyrannu'r lle ar bellter. Felly er enghraifft, os oes mwy o geisiadau nag o leoedd ar gael ar ôl gweithredu pwynt 4 uchod, caiff lleoedd eu dyrannu gyntaf i enedigaethau lluosog o fewn y dalgylch, yna i'r rhai ar sail pellter o gyfeiriad y cartref i'r dewis ysgol.

7. Trefniadau ar gyfer ceisiadau hwyr

Caiff unrhyw gais a dderbynnir ar ôl y dyddiad cau a gyhoeddir, neu geisiadau sy'n parhau'n anghyflawn ar y dyddiad cau ond a dderbynnir cyn y dyddiad cau eu trin dan y trefniadau ar gyfer ceisiadau hwyr.

Bydd newid dewis a dderbynnir gan yr Awdurdod Lleol ar ôl y dyddiad cau a gyhoeddir yn golygu y caiff y cais ei benderfynu fel un hwyr.

Gallai ceisiadau lle bu newid mewn amgylchiadau sydd ag effaith ar statws yr cais o fewn y meini prawf ar gyfer pan fo mwy o geisiadau nag o leoedd ar gael (h.y. newid cyfeiriad) hefyd olygu y caiff y cais ei drin fel un hwyr os dygir y newidiadau hyn i sylw'r Awdurdod ar ôl y dyddiad cau. Bydd yr Awdurdod Lleol yn ystyried ar sail disgrisiwn amgylchiadau newid annisgwyl mewn cyfeiriad cyn penderfynu y caiff cais ei drin fel un hwyr. Yn anffodus dim ond os rhoddir hysbysiad o newid cyfeiriad ddim mwy na 6 wythnos cyn y dyddiad cynnig a gyhoeddwyd er mwyn i'r cyfeiriad newydd gael ei ystyried ar gyfer dibenion dyrannu y gellir gweithredu disgrisiwn o'r fath.

Caiff ceisiadau hwyr eu casglu a'u prosesu'n fisol, gyda blaenoriaeth yn cael ei roi yn seiliedig ar y mis y cânt eu derbyn. Mae amserlen ar gyfer prosesu ceisiadau hwyr ar gyfer cylch derbyn 2018/19 islaw:

	Mis derbyn cais	Hysbysu rhieni am y penderfyniad
Ysgolion uwchradd yn unig	Rhagfyr 2017 Ionawr 2017	31 Mawrth 2018
Ysgolion cynradd ac uwchradd	12 Ionawr 2018 (ar ôl 12 canol-dydd) - 31 Ionawr 2018	20 Ebrill 2018 (Cynradd yn unig)
	Chwefror 2018	6 Ebrill 2018 (Uwchradd) 27 Ebrill 2018 (Cynradd)
	Mawrth 2018	13 Ebrill 2018 (Uwchradd) 4 Mai 2018 (Cynradd)
	Ebrill 2018	11 Mai 2018
	Mai 2018	8 Mehefin 2018
	Mehefin 2018	6 Gorffennaf 2018
	Gorffennaf 2018	3 Awst 2018
	1 i 3 Awst 2018	10 Awst 2018
	6 i 10 Awst 2018	17 Awst 2018
	13 i 17 Awst 2018	24 Awst 2018
	20 Awst ymlaen	O fewn 1 wythnos

Os bydd mwy o geisiadau nag o leoedd ar gael yn y ddewis ysgol, caiff lleoedd eu dyrannu yn unol â'r meini prawf ar gyfer pan fo mwy o geisiadau nag o leoedd ar gael yn ystod wythnos gyntaf y mis yn dilyn y mis derbyn. Hysbysir rhieni am ganlyniad eu ceisiadau erbyn diwedd yr wythnos hon.

Bydd y trefniadau ar gyfer ceisiadau hwyr yn parhau hyd wythnos olaf mis Awst. Ar ôl y dyddiad hwn, caiff unrhyw dderbyniadau a ddaw i law wedyn eu prosesu o fewn 1 wythnos.

8.0 Hysbysu Rhieni

Caiff rhieni eu hysbysu am benderfyniad ar eu cais ar y dyddiad cynnig a gyhoeddir. Ar gyfer cylch derbyn 2018/19, y dyddiad y caiff rhieni eu hysbysu am benderfyniadau ar eu ceisiadau fydd 1 Mawrth 2018 (uwchradd) ac 16 Ebrill 2018 (cynradd).

Bydd unrhyw gynnig o le ysgol yn seiliedig ar i'r ymgeisydd fod yn byw yn y cyfeiriad a nodir ar y ffurflen gais fel ar y dyddiad cynnig a gyhoeddir. Mae'n rhaid i rieni sy'n gwybod cyn y dyddiad cynnig eu bod yn annhebyg o barhau i fyw yn y cyfeiriad a nodir ar eu cais ein hysbysu fel y gellir newid eu cais. Gellid dileu unrhyw gynnig o le ysgol os canfyddir yn ddiweddarach nad felly y mae.

Lle bo rhieni yn dweud wrthym, adeg gwneud cais, eu bod yn symud i fyw ac yn rhoi tystiolaeth i'r Awdurdod Lleol ddilysu'r symud yma, byddai unrhyw gynnig o le ysgol ar y sail yma'n amodol ar i'r ymgeisydd fod yn breswyl yn y cyfeiriad newydd adeg mae'r plentyn dan sylw yn dechrau yn yr ysgol. Gellid dileu unrhyw gynnig o le ysgol os canfyddir nad felly y mae.

9.0 Derbyn lle ysgol

Pan dderbynnir cynnig am le ysgol, mae'n ofynnol i rieni hysbysu mewn ysgrifen eu bod yn derbyn y lle ysgol o fewn 14 diwrnod o hysbysiad am gynnig y lle ysgol. Gallai methiant i wneud hynny olygu y caiff y cynnig o le ysgol ei ddileu.

10. Derbyn i grwpiau blwyddyn arall - Medi 2018

Lle derbynnir ceisiadau ar gyfer newid ysgol ym Medi 2018, i grwpiau blwyddyn heblaw blwyddyn arferol derbyn, ni chaiff y rhain eu hystyried tan ddechrau ail hanner tymor yr haf h.y. ar ôl gwyliau'r Llungwyn. Caiff rhieni eu hysbysu ddim hwyrach na 4 wythnos cyn diwedd blwyddyn academiaidd 2018.

Caiff y ceisiadau hyn eu cyfrif ar sail fisol a'u prosesu yn ôl y meini prawf pan fo mwy o geisiadau nag o leoedd ar gael, pe byddai nifer y ceisiadau a dderbynnir yn fwy na'r nifer o leoedd ar gael. Fodd bynnag, dylid nodi y rhoddir blaenoriaeth i'r rhieni hynny sy'n ceisio lle yn ystod y tymor cyfredol yn hytrach na'r flwyddyn academiaidd newydd.

11. Trosglwyddo o fewn blwyddyn (derbyniadau tu allan i'r cylch derbyn arferol)

Mae trosglwyddo o fewn blwyddyn yn cyfeirio at geisiadau gan rieni i drosglwyddo eu plant rhwng ysgolion tu allan i'r cylch derbyn arferol. Ni chaiff ceisiadau eu hystyried nes bod y dyddiad dechrau fwy na thymor ymlaen llaw.

Caiff pob cais am drosglwyddo o fewn blwyddyn eu trin yn nhrefn y dyddiad y'u derbynnir, a lle derbynnir mwy o geisiadau ar yr un diwrnod na nifer y lleoedd sydd ar gael, caiff meini prawf yr Awdurdod Lleol ar gyfer pan fo mwy o geisiadau nag o leoedd ar gael eu gweithredu i benderfynu pa blentyn/plant a gaiff gynnig lle.

Fel arfer caiff ceisiadau eu prosesu o fewn 7 diwrnod gwaith o'u derbyn. Fodd bynnag mewn rhai amgylchiadau, er enghraifft lle dynodwyd fod gan blentyn anghenion penodol, efallai na fydd yn bosibl prosesu'r derbyniad o fewn yr amserlen. Hysbysir y rhiant am hyn.

Fel rhan o'r broses ystyried, bydd yr Awdurdod Lleol yn cysylltu ag ysgol gyfredol y plentyn i gael gwybodaeth i'w rhannu gyda'r ysgol sy'n derbyn. Mae hyn er mwyn sicrhau fod y ddewis ysgol mewn sefyllfa i gefnogi trosglwyddo priodol rhwng ysgolion.

Ar achlysuron lle mae'r cais am dderbyn i drosglwyddo ysgolion yn un nad yw'n codi o symud i ardal, neu lle nad oes angen ar unwaith ar gyfer trosglwyddo, bydd yr Awdurdod Lleol yn ystyried debyn o ddechrau tymor yr ysgol i leihau'r ymyriad posibl i'w haddysg eu plant eu hunain a phlant addysg eraill.

Caiff lleoedd a ddyrannwyd eu cadw'n agor am gyfnod o 1 tymor o ddyddiad derbyn awdurdodedig, ac ar ôl hynny gall y lle gael ei ddileu os nad yw'r plentyn wedi cymryd eu lle yn ystod y cyfnod hwn. Unwaith y cynigiwyd lle ysgol, bydd gan ysgolion 7 diwrnod gwaith i drefnu ymrestru'r plentyn dan sylw pan fo angen dechrau ar unwaith.

Os derbynnir cais ar gyfer plentyn sy'n derbyn gofal, yn unol â'r protocol a drefnwyd gydag ysgolion, trefnir cyfarfod plentyn sy'n derbyn gofal a gwahoddir pob parti sydd â diddordeb. Cyn y cyfarfod yma, mae angen i'r awdurdod lleoli rannu gwybodaeth berthnasol yn cynnwys y Cynllun Addysg Personol, cofnodion ysgol a'r Datganiad o Anghenion Addysgol, os oes gan y plentyn un.

Lle mae'r cais am dderbyn i'r ysgol fel canlyniad o symud i'r sir, mae angen i'r rhiant anfon tystiolaeth o breswyliaeth. Ni chaiff y cais ei brosesu neu ei ystyried fel cyflawn hyd y derbynnir y dystiolaeth hon. Tystiolaeth addas fyddai copi o gyfnewid contractau neu gytundeb tenantiaeth hirdymor. Mae hyn er mwyn sicrhau nad yw rhieni'n gwneud cais ormod ymlaen llaw cyn symud ac felly yn gwadu lle i eraill sydd angen derbyn yn gyflymach.

12. Cais am dderbyn tu allan i grŵp blwyddyn cronolegol

Polisi'r Awdurdod Lleol y caiff plant eu derbyn i'w grŵp blwyddyn cronolegol. Dim ond mewn amgylchiadau eithriadol y bydd yr Awdurdod Lleol yn cefnogi derbyn i grŵp blwyddyn nad yw o fewn y flwyddyn gronolegol, er enghraifft, lle mae sylfaen tystiolaeth priodol (e.e. adroddiad gan Seicolegydd Addysg) sy'n awgrymu nad yw'r grŵp blwyddyn cronolegol yn gallu cyflawni anghenion y plant dan sylw yn addas.

Rhoddir cyfle i rieni sy'n cyflwyno cais am dderbyn i grŵp blwyddyn nad yw o fewn y flwyddyn gronolegol ar gyfer eu plentyn gyfle i rannu eu rhesymau dros y cais gyda'r Awdurdod Lleol. Ymgynghorir hefyd â phennaeth y dewis ysgol yn ystod y broses a chaiff eu sylwadau eu hystyried fel rhan o'r broses benderfynu.

Bydd gan rieni y gwrthodir lle yn y dewis ysgol iddynt hawl statudol i apelio yn erbyn y penderfyniad a wnaed, fodd bynnag nid oes apêl yn erbyn penderfyniad i gynnig lle yn y dewis ysgol ond nid o fewn y grŵp blwyddyn a ddymunir.

13. Gwrthod Derbyn

Dyrennir lleoedd i fwyafrif disgyblion Sir Fynwy yn ysgol dewis cyntaf eu rhieni. Gwneir gwrthod derbyn i ysgol yn unol â Chod Ymarfer Derbyn Ysgolion 2013 ac mae'n seiliedig ar y penderfyniadau dilynol:

- P'un a fyddai derbyn plentyn yn llesteirio darpariaeth addysg effeithiol neu ddefnydd effeithiol o adnoddau
- Lle cyflawnwyd nifer derbyn
- Rheoliadau maint dosbarth Llywodraeth Cymru

Os nad yw'n bosibl dyrannu lle yn y ddewis ysgol, cynigir lle mewn ysgol arall. Bydd hyn un ai'n ddewis arall (a nodwyd ar y ffurflen gais) neu'r ysgol nesaf agosaf sydd ar gael. Mater i rieni wedyn yw penderfynu p'un ai i dderbyn lle yn yr ysgol arall ai peidio.

Os cynigir lle yn yr ysgol agosaf sydd ar gael, gall y plentyn dan sylw fod â hawl i gludiant am ddim o'r cartref i'r ysgol os cyflawnir y meini prawf ar gyfer pellter rhwng y cartref a'r ysgol. Mae mwy o wybodaeth ar hawl cludiant cartref i ysgol yn y polisi cludiant cartref i ysgol.

Fodd bynnag, cydnabyddir efallai nad yw rhieni eisiau lle yn yr ysgol agosaf sydd ar gael a chânt fanylion ysgolion eraill gyda lleoedd ar gael o fewn yr ardal. Yn yr amgylchiadau hyn, ni fyddai cludiant am ddim o'r cartref i'r ysgol yn cael ei ddarparu fel arfer.

Yn dilyn gwrthod lle ysgol, caiff manylion y plentyn eu cadw ar restr aros tan 31 Awst y flwyddyn academaidd y maent yn gwneud cais amdani. Os daw unrhyw leoedd yn ôl ar

gael yn ystod y cyfnod yma, caiff lleoedd eu dyrannu o'r rhestr aros fel yn y meini prawf ar gyfer pan fo mwy o geisiadau nag o leoedd ar gael.

14. Rhestri Aros

Ar gyfer yr ymgeiswyr hynny a fu'n aflwyddiannus yn cael lle yn eu dewis ysgol(ion), caiff rhestri aros eu cadw hyd ddiwedd y flwyddyn academaidd y gwnaed y cais amdani. Ar ôl y cyfnod hwnnw, caiff y rhestri aros presennol eu clirio a bydd angen cais newydd. Caiff manylion y plentyn eu hychwanegu'n awtomatig i'r rhestr aros am y dewis ysgol(ion) adeg gwrthod.

Rhoddir blaenoriaeth i restri aros yn ôl y meini prawf ar gyfer pan fo mwy o geisiadau nag o leoedd ar gael ac ni fydd yn seiliedig ar ddyddiad cyflwyno'r cais. **Cyfrifoldeb yr ymgeisydd yw hysbysu'r Uned Ysgolion a Derbyn Myfyrwyr am unrhyw newid mewn amgylchiadau sy'n effeithio ar y meini prawf pan fo mwy o geisiadau nag o leoedd ar gael ac felly le eu plentyn ar y rhestr aros. Byddai newid cyfeiriad yn enghraifft o hyn.**

Os daw lle ar gael yn y dewis ysgol(ion), caiff y rhestr aros ei "rhewi" er mwyn galluogi'r Uned Ysgolion a Derbyn Myfyrwyr i lenwi'r lle gwag. Caiff dyddiad rhewi'r rhestr aros ei benderfynu fel y dyddiad y mae'r Awdurdod Lleol yn fodlon fod y lle'n dod ar gael.

Bydd yr Uned Ysgolion a Derbyn Myfyrwyr yn cysylltu â'r rhiant dan sylw o fewn 7 diwrnod gwaith o'r lle yn dod ar gael, os yw eu plentyn yn cymhwyso ar gyfer ystyried y lle. Rhoddir 7 diwrnod i'r rhiant dderbyn neu wrthod yn ysgrifenedig yn ffurfiol y cynnig o le ysgol. Ar ôl yr amser hwnnw, caiff enw'r plentyn ei dynnu o'r rhestr aros a chynigir y lle i'r plentyn nesaf ar y rhestr aros, gan y bydd yr Awdurdod Lleol yn tybio nad oes angen y lle mwyach.

15. Apeliadau

Yn unol â chod ymarfer Derbyn Ysgolion a chod ymarfer apeliadau Derbyn Ysgolion 2013, bydd yr Awdurdod Lleol yn gwneud trefniadau i alluogi rhiant plentyn i apelio yn erbyn penderfyniad i wrthod lle yn y dewis ysgol.

Caiff yr apêl ei benderfynu gan Banel Apeliadau a sefydlwyd yn unol â chod Apeliadau Derbyn Ysgolion 2013. Mae'n rhaid i'r panel gynnwys tri i bump aelod a benodwyd gan yr Awdurdod Lleol o'r categorïau dilynol:

- Pobl sy'n gymwys i fod yn aelodau lleyg (pobl heb brofiad personol mewn rheoli ysgol neu ddarparu addysg mewn unrhyw ysgol, heb ystyried profiad fel llywodraethwr neu unrhyw swydd wirfoddol arall).

- Pobl sydd â phrofiad mewn addysg; sy'n gyfarwydd â'r amodau addysgol yn ardal yr Awdurdod Lleol neu sy'n rhieni plant sydd wedi cofrestru mewn ysgol (heblaw'r ysgol lle gwneir yr apêl).

Mae'n rhaid i Baneli Apêl annibynnol ystyried pob achos yn unigol ar ei haeddiant ac ni allant gyfyngu eu hunain, ymlaen llaw, i dderbyn unrhyw nifer neilltuol o ddisgyblion.

Dylai ystyriaeth gan Banel Apêl fod mewn dau gam neilltuol:

1. Y cam ffeithiol, lle mae'r panel yn penderfynu fel mater o ffaith os oedd rheswm cyfreithiol dros wrthod derbyn; os nad oedd, mae'n rhaid derbyn y plentyn; os oedd, mae'n rhaid i'r pwyllgor symud ymlaen i:
2. Y cam cydbwysu, lle mae'r panel yn gweithredu ei farn i gydbwysu maint y rhagfarn i addysg effeithiol a fyddai'n ganlyniad derbyn y plentyn, a nerth achos y rhieni, er mwyn cyrraedd penderfyniad sy'n rhwymo'r awdurdod derbyn.

Bydd penderfyniad y panel apêl yn rhwymo'r Awdurdod Lleol.

15.1 Amserlen ar gyfer clywed apeliadau

Bydd rhieni yn derbyn llythyr yn gwrthod derbyn a chânt eu cyngori am eu hawl apelio. Nid yw'r penderfyniad i apelio yn atal y rhiant/gofalwr rhag derbyn lle mewn ysgol arall tra bod y gwrandawiad yn cael ei drefnu, gan y bydd y panel yn penderfynu ar yr apêl ar sail cais.

Caiff gwrandawiadau apêl eu cynnull gan gynrychiolydd y Prif Swyddog Gweithredol a chânt eu clywed o fewn 30 diwrnod ysgol o ddyddiad y cais am apelio.

16. Rheoliadau Maint Dosbarth Babanod

Mae gan Lywodraeth Cymru ymrwymiad i sicrhau na fydd unrhyw blentyn yng Nghyfnod Allweddol 1 mewn dosbarth lle mae'r gymhareb disgybl athro yn fwy na 1:30. Roedd y Cynllun Maint Dosbarth Babanod yn rhaglen a gyflwynwyd mewn camau rhwng Medi 1999 a Medi 2001 gan felly sicrhau y caiff pob plentyn hyd 7 oed eu haddysgu mewn dosbarthiadau heb fod yn cynnwys mwy na 30 disgybl.

Cododd dau brif newid o'r ddeddfwriaeth maint dosbarth. Yn gyntaf, ni fydd angen i awdurdodau derbyn dderbyn plentyn i ddosbarth babanod os byddai gwneud hynny'n arwain at i ddosbarth fod yn gweithredu ar gymhareb disgybl/athro o fwy na 30:1.

Gall awdurdod derbyn wrthod derbyn plentyn i ysgol lle byddai gwneud hynny yn golygu fod angen i'r ysgol gymryd 'mesurau cymhwysu' (h.y. cyflogi athro ychwanegol, adeiladu ystafell ddosbarth ychwanegol) i gyflawni'r terfyn maint dosbarth statudol.

Yn ail, wrth ddelio gydag apeliadau derbyn dan ddeddfwriaeth maint dosbarth, nid yw Paneli Apêl yn dilyn y broses ddau gam a amlinellir uchod.

Yn lle hynny, dim ond os oherwydd bod penderfyniad i beidio derbyn y plentyn oherwydd trefniadau derbyn yn cael ei weithredu'n anghywir neu os nad oedd penderfyniad yr awdurdod derbyn yn un y byddai awdurdod derbyn rhesymol yn ei wneud yn yr achos neilltuol hwnnw y gall Panel Apêl gadarnhau apêl rhiant.

16.1 Eithriadau i'r rheoliadau maint dosbarth babanod

Mae rheoliadau Llywodraeth Cymru yn ei gwneud yn ofynnol i awdurdodau gyfyngu meintiau dosbarth babanod i ddim mwy na 30 disgybl ac i sicrhau nad yw dosbarthiadau iau yn fwy na 30 disgybl. Fodd bynnag mae eithriadau i'r rheoliadau hyn (a elwir yn "ddisgyblion a eithrir") a all ganiatáu torri'r terfyn o ddosbarth 30 disgyblion. Disgyblion a eithrir yw:

1. Plant y mae eu datganiadau AAA yn nodi y dylent gael eu haddysgu yn yr ysgol dan sylw ac a gaiff eu derbyn i'r ysgol tu allan i gylch derbyn arferol;
2. Plant sy'n derbyn gofal gan awdurdodau lleol, neu sydd wedi peidio derbyn gofal oherwydd iddynt gael eu mabwysiadu neu gael eu lleoli gyda theulu neu roi gwarcheidwad arbennig iddynt ac a gaiff eu derbyn tu allan i gylch derbyn arferol.
3. Plant y gwrthodwyd mynediad iddynt i ysgol i ddechrau, ond y cynigiwyd lle iddynt yn ddilynol tu allan i'r cylch derbyn arferol drwy gyfarwyddyd panel apêl derbyn, neu oherwydd bod y person oedd yn gyfrifol am wneud y penderfyniad gwreiddiol yn cydnabod y gwnaed camgymeriad wrth weithredu trefniadau derbyn yr ysgol.
4. Plant a dderbyniwyd tu allan i'r cylch derbyn arferol:
 - y cadarnhaodd yr Awdurdod Lleol cynnal na allant sicrhau lle mewn unrhyw ysgol arall addas o fewn pellter rhesymol i'w cartref oherwydd eu bod wedi symud i'r ardal tu allan i gylch derbyn arferol, neu
 - eu bod yn dymuno cael addysg grefyddol neu addysg Gymraeg ac mai'r ysgol dan sylw yw'r unig ysgol addas o fewn pellter rhesymol.
5. Plant a dderbyniwyd i'r ysgol y tu allan i'r cylch derbyn arferol ar ôl i'r ysgol drefnu ei dosbarthiadau, ac ar ôl diwrnod cyntaf y flwyddyn ysgol, a byddai effaith hynny'n golygu y byddai'n rhaid i'r ysgol gymryd mesur perthnasol os nad oedd plant yn ddisgyblion eithriedig.
6. Plant personél lluoedd arfog a dderbyniwyd tu allan i'r cylch derbyn arferol.
7. Plant y caiff eu gefaill neu frawd neu chwaer o enedigaeth luosog eu derbyn fel disgyblion heb eu heithrio, fel y disgybl(ion) olaf y dyrannwyd lle iddynt cyn cyrraedd y nifer derbyn.

8. Plant sydd wedi cofrestru fel disgyblion mewn ysgolion arbennig, ond sy'n derbyn rhan o'u haddysg mewn ysgol brif ffrwd; a
11. Plant gydag anghenion addysgol arbennig a gaiff fel arfer eu haddysgu mewn uned arbennig mewn ysgol brif ffrwd, sy'n derbyn rhai o'u gwersi mewn dosbarth heb fod yn arbennig.

17. Terfyn maint dosbarth Cyfnod Allweddol 2

Er nad oes rheoliadau i gyfyngu meintiau dosbarth i 30 yng Nghyfnod Allweddol 2, mae gan yr Awdurdod Lleol ymrwymiad i gydymffurfio gyda tharged Llywodraeth Cymru i sicrhau cadw cymhareb disgybl athro 1:30 yng Nghyfnod Allweddol 2.

CYNGOR SIR FYNWY

CYFARWYDDIAETH PLANT A PHOBL IFANC

CYNLLUN DERBYN CYDLYNOL AR GYFER MEDI 2018
YSGOLION CYNRADD

CYFLWYNIAD

Mae'r cynllun hwn yn weithredol ar gyfer pob awdurdod derbyn, ysgolion yr Awdurdod Lleol ac ysgolion cymorth gwirfoddol yn yr ardal yng nghyswllt rhieni gyda phlant sy'n dymuno ymuno â mynediad blwyddyn arferol mewn ysgol gynradd a gynhelir yn Sir Fynwy o fis Medi 2016. (Mae rhestr termau hefyd yn Atodiad C).

Gwahoddir pob rhiant i fynegi dewis ar ffurflen gais gyffredin, beth bynnag yw statws yr ysgolion y dymunant wneud cais amdanynt a ph'un ai yw'r ysgol tu mewn/allan i'r sir. Bydd y ffurflen yn rhoi cyfle i rieni/gofalwyr i roi rheswm am eu dewisiadau. Dylid anfon pob ffurflen a lenwir yn uniongyrchol at yr Uned Ysgolion a Derbyn Myfyrwyr. **Eithriad i hyn yw os yw rhieni'n dymuno gwneud cais am ysgol yn ardal Cyngor Dinas Casnewydd - mewn amgylchiadau o'r fath mae angen i'r rhiant wneud cais yn uniongyrchol i Gyngor Dinas Casnewydd dan eu trefniadau derbyn.**

Er y gall awdurdodau derbyn ysgolion unigol (cymorth gwirfoddol) ei gwneud yn ofynnol i chi lenwi eu ffurflenni cais eu hunain, mae'n rhaid i bob ymgeisydd hefyd lenwi "Ffurflen Gais Gyffredin".

Caiff disgyblion gyda Datganiad o Anghenion Addysgol Arbennig eu derbyn i'r ysgol a enwir ar eu Datganiad.

1. Ystyried ceisiadau a dyrannu lleoedd (cylch derbyn arferol)

Wrth weithredu'r meini prawf ar gyfer pan fo mwy o geisiadau nag o leoedd ar gael i benderfynu i bwy y dyfernir lleoedd, rhoddir ystyriaeth gyfartal i bob dewis gan rieni a chânt eu dyrannu yn unol gyda'r meini prawf islaw. Cynigir yr ysgol dewis uchaf os gellir cyflawni un neu fwy dewis.

Os na fedrir cyflawni unrhyw un o'r dewisiadau, bydd yr Awdurdod Lleol yn sicrhau cyn belled ag sy'n rhesymol bosibl y gellir gwneud cynnig.

Dyddiad cau cam cyntaf y ceisiadau yw **12 canol-dydd ddydd Gwener 12 Ionawr 2018** a rhoddir hysbysiad ysgrifenedig o ganlyniad pob cais drwy'r Uned Derbyn Ysgolion a Myfyrwyr erbyn **16 Ebrill 2018**.

Os yw'r rhiant yn gwneud cais am le tu allan i Sir Fynwy, bydd yr Awdurdod y gwnaethant gais iddo yn hysbysu'r rhiant a Sir Fynwy am y penderfyniad i gynnig neu wrthod.

Caiff ceisiadau hwyr neu newidiadau i drefn dewis eu hystyried ar ôl cwblhau'r cam cyntaf. Lle mae rhiant yn mynegi dewis o fewn eu cam cyntaf ac yna'n newid dewis ar ôl 12 canol-dydd ar 12 Ionawr 2018, caiff hyn ei gyfrif fel cais hwyr.

Yn yr un modd, bydd ceisiadau lle bu newid amgylchiadau sy'n effeithio ar statws y cais o fewn y meini prawf ar gyfer pan fo mwy o geisiadau nag o leoedd ar gael yn arwain at i'r cais gael ei drin fel un hwyr os deuir â'r newidiadau hyn i sylw'r awdurdod ar ôl y dyddiad cau.

2. AMSERLEN AR GYFER DERBYNIADAU CYNRADD CYDLYNUS AR GYFER MEDI 2018

YSGOLION CYNRADD (yn cynnwys Ysgolion Cymorth Gwirfoddol)

2.1 Cam 1

Ceisiadau ar gael i rieni	1 Tachwedd 2017
Ceisiadau a dderbyniwyd ar un ai bapur neu ar-lein	Erbyn 12 Ionawr 2018
Anfon manylion ceisiadau i ysgolion cymorth gwirfoddol ac awdurdodau lleol fel sy'n briodol. Dychwelyd manylion ceisiadau a wneir i ysgolion cymorth gwirfoddol i'r Uned Ysgolion a Derbyn Myfyrwyr	Erbyn 19 Ionawr 2018
Ysgolion cymorth gwirfoddol ac awdurdodau lleol cyfagos yn dychwelyd rhestri mewn trefn o ddisgyblion i'r Uned Ysgolion a Mynediad Myfyrwyr yn nodi y cafodd y meini prawf ar gyfer pan dderbyniwyd mwy o geisiadau nag sydd o leoedd ar gael ar gyfer pob plentyn eu hystyried dan ac yn dynodi gwrthodiadau	Erbyn 23 Chwefror 2018
Yr Uned Ysgolion a Mynediad Myfyrwyr/Ysgolion Cymorth gwirfoddol yn dyrannu'r lle dewis uchaf sydd ar gael ac yn hysbysu awdurdodau lleol eraill fel sy'n briodol	Erbyn 30 Mawrth 2018
Yr Uned Ysgolion a Mynediad Myfyrwyr yn dyrannu lleoedd ar gyfer plant Sir Fynwy nad oes ganddynt gynnig	Erbyn 6 Ebrill 2018

Yr Uned Ysgolion a Mynediad Myfyrwyr yn anfon rhestr i bob ysgol yn Sir Fynwy o'r disgyblion y cynigir lleoedd iddynt	Erbyn 6 Ebrill 2018
Yr Uned Ysgolion a Mynediad Myfyrwyr/Ysgolion Cymorth Gwirfoddol yn anfon hysbysiadau i rhieni/gofalwyr	Ar 16 Ebrill 2018
Apeliadau	Mai - Gorffennaf 2018

Cam 2

Yn dilyn cam cyntaf y dyraniadau, caiff ceisiadau hwyr eu hystyried a'u cynnwys lle'n bosibl yn defnyddio'r meini prawf ar gyfer derbyniadau. Fodd bynnag, nid oes gwarant y caiff ceisiadau hwyr eu trin cyn **18 Ebrill 2018**.

Ar y cam hwn, gall rhieni/gofalwyr wneud cais am gael eu hailystyried i ysgol y gwnaethant roi dewis uwch iddi na'r un a gynigiwyd.

Caiff ceisiadau hwyr eu prosesu yn fisol, felly er enghraifft caiff ceisiadau a dderbyniwyd yn Ebrill 2018 eu casglu a'u prosesu yn ystod yr wythnos gyntaf lawn ym mis Mai 2018 gydag ysgolion a rhieni yn cael eu hysbysu erbyn diwedd yr ail wythnos lawn. Caiff y rhain eu prosesu fel yn y meini prawf ar gyfer pan fo mwy o geisiadau nag sydd o leoedd ar gael.

CYNLLUN DERBYN CYDLYNOL AR GYFER MEDI 2018
YSGOLION UWCHRADD

CYFLWYNIAD

Mae'r cynllun hwn yn weithredol ar gyfer pob ysgol yn yr ardal ar gyfer rhieni gyda phlant sy'n dymuno ymuno â mynediad blwyddyn arferol mewn ysgol uwchradd yn Sir Fynwy o fis Medi 2018.

Gwahoddir pob rhiant i fynegi tri dewis ar ffurflen gais gyffredin, beth bynnag yw statws yr ysgolion y dymunant wneud cais iddynt a ph'un ai yw'r ysgol tu mewn/allan i'r sir. Bydd y ffurflen yn rhoi cyfle i rieni/gofalwyr roi rheswm am eu dewisiadau. Dylid anfon pob ffurflen trosglwyddo uwchradd yn uniongyrchol at yr Uned Ysgolion a Derbyn Myfyrwyr. **Eithriad i hyn yw os yw rhieni'n dymuno gwneud cais am ysgol yn ardal Cyngor Dinas Casnewydd - mewn amgylchiadau o'r fath mae angen i'r rhiant wneud cais yn uniongyrchol i Gyngor Dinas Casnewydd dan eu trefniadau derbyn.**

Caiff disgyblion gyda Datganiad o Anghenion Addysgol Arbennig eu derbyn i'r ysgol a enwir ar eu Datganiad.

1. Ystyried ceisiadau a dyrannu lleoedd (cylch derbyn arferol)

Wrth weithredu'r meini prawf ar gyfer pan fo mwy o geisiadau nag o leoedd ar gael i benderfynu i bwy y dyfernir lleoedd, rhoddir ystyriaeth gyfartal i bob dewis gan rieni a chânt eu dyrannu yn unol gyda'r meini prawf yn Atodiad 1. Cynigir yr ysgol dewis uchaf os gellir cyflawni un neu fwy dewis.

Os na fedrir cyflawni unrhyw un o'r dewisiadau, bydd yr Awdurdod Lleol yn sicrhau cyn belled ag sy'n rhesymol bosibl y gellir gwneud cynnig yn yr ysgol agosaf sydd ar gael.

Dyddiad cau cam cyntaf y ceisiadau yw **12 canol-dydd ar 30 Tachwedd 2017** a rhoddir hysbysiad ysgrifenedig o ganlyniad pob cais o fewn y sir gan yr Uned Derbyn Ysgolion a Myfyrwyr erbyn **1 Mawrth 2018**.

Ar gyfer dewisiadau i fynyachu ysgol y tu allan i Sir Fynwy, bydd yr Awdurdod Lleol/awdurdod derbyn yn rhoi hysbysiad ysgrifenedig ar y penderfyniad i gynnig/gwrthod lle yn y dewis ysgol yn unol â'r dyddiad cynnig.

Bydd Sir Fynwy yn rhoi ystyriaeth i unrhyw gynnig a wneir gan Awdurdod Lleol arall. Os gall Awdurdod Lleol arall gynnig ysgol dewis uwch, ni fydd Sir Fynwy yn gwneud cynnig.

Caiff ceisiadau hwyr neu newidiadau i drefn dewis eu hystyried ar ôl cwblhau'r cam cyntaf. Lle mae rhiant yn nodi dewis o fewn eu cam cyntaf ac yna'n newid dewis ar ôl **30 Tachwedd 2017**, caiff hyn ei gyfrif fel cais hwyr.

Bydd ceisiadau lle bu newid amgylchiadau sy'n effeithio ar statws y cais o fewn y meini prawf ar gyfer pan fo mwy o geisiadau nag o leoedd ar gael yn arwain at i'r cais gael ei drin fel un hwyr os deuir â'r newidiadau hyn i sylw'r awdurdod ar ôl y dyddiad cau.

2. AMSERLEN AR GYFER DERBYNIADAU CYDLYNOL AR GYFER MEDI 2018 YSGOLION UWCHRADD

2.1 Cam 1

Ceisiadau ar gael i rieni	1 Hydref 2017
Derbyn ceisiadau	Erbyn 30 Tachwedd 2017
Anfon manylion ceisiadau i ysgolion Sir Fynwy ac awdurdodau eraill fel sy'n briodol	Erbyn 8 Rhagfyr 2017
Ymgynghori gydag awdurdodau lleol cyfagos ar ddewisiadau traws-ffin	Erbyn 15 Rhagfyr 2017
Yr Uned Ysgolion a Mynediad Myfyrwyr/Ysgolion Cymorth gwirfoddol yn dyrannu'r lle dewis uchaf sydd ar gael ac yn hysbysu awdurdodau lleol eraill fel sy'n briodol	Erbyn 26 Ionawr 2018
Yr Uned Ysgolion a Mynediad Myfyrwyr yn dyrannu lleoedd ar gyfer plant Sir Fynwy nad oes ganddynt gynnig	Erbyn 16 Chwefror 2018
Yr Uned Ysgolion a Mynediad Myfyrwyr yn anfon rhestr i bob ysgol yn Sir Fynwy o'r disgyblion y cynigir lleoedd iddynt	Erbyn 23 Chwefror 2018
Yr Uned Ysgolion a Mynediad Myfyrwyr/Ysgolion Cymorth Gwirfoddol yn anfon hysbysiadau i rieni/gofalwyr	Ar 1 Mawrth 2018
Apeliadau	Mai - Gorffennaf 2018

2.2 Cam 2

Yn dilyn cam cyntaf y dyraniadau, caiff ceisiadau hwyr eu hystyried a'u cynnwys lle'n bosibl yn defnyddio'r meini prawf ar gyfer derbyniadau. Fodd bynnag, nid oes gwarant y caiff ceisiadau hwyr eu trin cyn **1 Mawrth 2018**.

Caiff ceisiadau hwyr eu prosesu'n fisol, felly er enghraifft caiff ceisiadau a dderbyniwyd yn Ebrill 2018 eu casglu a'u prosesu yn ystod yr wythnos gyntaf lawn ym mis Mai 2018 gydag ysgolion a rhieni yn cael eu hysbysu erbyn diwedd yr ail wythnos lawn. Caiff y rhain eu prosesu fel yn y meini prawf ar gyfer pan fo mwy o geisiadau nag o leoedd ar gael.

Ymgynghoriadau

AWDURDODAU DERBYN

- Cyngor Sir Fynwy
- Ysgolion Cymorth Gwirfoddol (Sir Fynwy)
 - Ysgol Gynradd Eglwys yng Nghymru yr Archesgob Rowan Williams
 - Ysgol Gynradd Eglwys yng Nghymru Magwyr
 - Ysgol Gynradd Gatholig Mair Forwyn a Mihangel Sant
 - Ysgol Gynradd Gatholig Santes Fair, Cas-gwent
- Cyngor Bwrdeistref Sirol Blaenau Gwent
- Cyngor Sir Swydd Caerloyw
- Cyngor Sir Swydd Henffordd
- Cyngor Dinas Casnewydd
- Cyngor Sir Powys
- Cyngor Bwrdeistref Sirol Torfaen
- Ysgol Sylfaen Brynmawr
- Ysgol Gatholig Alban Sant
- Ysgol Gatholig Sant Joseff

Geirfa

Blwyddyn arferol derbyn Y flwyddyn y disgwylir i ddisgybl ddechrau/newid ysgol

Ysgol â gynhelir Ysgol a gynhelir gan un ai'r Awdurdod Lleol neu'r esgobaeth

Cais cyffredin Ffurflen a argraffwyd ymlaen llaw gyda manylion disgybl a chyfeirnod unigryw y disgybl

Rhifau derbyn ysgolion**Uwchradd**

YSGOL	Capasiti	Nifer derbyn
Ysgol Gyfun Cil-y-coed	1500	253
Ysgol Gyfun Cas-gwent	1282	193
Ysgol Gyfun Brenin Harri VIII	1308	219
Ysgol Gyfun Trefynwy	1600	253

YSGOL	Capasiti	Nifer derbyn
Ysgol Gynradd Eglwys yng Nghymru Archesgob Rowan Williams	210	30
Ysgol Gynradd Cantref	210	30
Ysgol Gynradd Parc y Castell	210	30
Ysgol Gynradd Cross Ash	210	30
Ysgol Gynradd Deri View	330	47
Ysgol Gynradd Dewstow	210	30
Ysgol Gynradd Durand	210	30
Ysgol Gynradd Gilwern	210	30
Ysgol Gynradd Goetre Fawr	210	30
Ysgol Gynradd Kymin View	210	30
Ysgol Gynradd Llandogo	111	15
Ysgol Gynradd Llan-ffwyst Fawr	210	30
Ysgol Gynradd Eglwys yng Nghymru Llandeilo Bertholau	210	30
Ysgol Gynradd Llanfihangel Crucornau	77	11
Ysgol Gynradd Eglwys yng Nghymru Magwyr	388	55
Ysgol Gynradd Eglwys yng Nghymru Osbaston	210	30
Ysgol Gynradd Gatholig Mair Forwyn a Mihangel Sant	210	30
Ysgol Gynradd Overmonnow	417	59
Ysgol Gynradd Pembroke	210	30
Ysgol Gynradd Eglwys yng Nghymru Rhaglan	210	30
Ysgol Gynradd Rogiet	210	30
Ysgol Gynradd Drenewydd-Gellifarch	210	30
Ysgol Gynradd Gatholig Santes Fair	210	30
Ysgol Gynradd The Dell	420	60
Ysgol Gynradd Thornwell	357	51
Ysgol Gynradd Trellech	180	25
Ysgol Gynradd Gwndy	359	51
Ysgol Gynradd Eglwys yng Nghymru Gwndy	300	42
Ysgol Gymraeg y Fenni	235	33
Ysgol y Ffin	180	25

	7024	
--	------	--

Ymgynghoriad